

職方典第一千三百七十七卷

瓊州府部彙考五

瓊州府學校考

府志

本府 瓊山縣附郭

瓊州府儒學宋慶曆四年立郡城東南殿堂御書閣兩廡戟門俱備郡守宋守之建尊儒亭躬親講授紹興末始置校官淳熙九年帥守韓璧重修明倫堂朱文公書扁慶元間通守劉漢修崇廟像祭器庖廚增益學費嘉定二年帥守趙廈加修咸淳二年教授蔣科移建御書閣於講堂北元至大己酉副都元帥陳謙亨重建大成殿增崇舊觀皇慶壬子教授陳舜佐範銅造諸祭器以學錢售買樂器延樂師教習諸生至正間教授金新德繪塑兩廡像辛卯學正符元裔補買經史諸書己亥陳子琬等寇城焚掠學宮祭器經籍盡毀明洪武三年知府宋希顏重建大成殿兩廡櫺星門戟門明倫堂四齋闢射圃於學之右扁齋曰守中興仁恆德育才七年指揮桑昭以東西營地入學神廚祭器庫舍饌堂以次舉造十五年奉制立臥碑甲戌造祭器學

官張伯福高震監造陳敬忠制銅爵節推郭西製藤籩浙儒陳升製木豆庚辰知府王伯貞修造講堂宣德初通判吳伯禎等修講堂丙寅同知楊啟增置號房天順壬午副使鄺彥譽復修成化初副使唐彬增置號房五年知府蔡浩建書樓於明倫堂後改建櫺星門七年副使涂斐闢造射圃亭八年範銅祭器癸巳以明倫堂前逼

文廟退立於書樓基上前置大方碑隸刻朱子感興詩而亭覆之又立饌堂房廚倉庫八年學士丘濬於堂後置藏書石室十三年知縣蔣琪重建大成殿兩廡尊經閣復遷號房於明倫堂左二十二年僉事陳英於學後開劍池用土築峯莫其後弘治初英復以副使來按重建兩廡戟門增號舍數十間九年太守張桓重修延樂師吳應禎教習樂舞正德初方守向以學西隙地增號房四十二間十六年三月汪克章修建殿廡齋衙補祭器嘉靖十年改大成殿爲

文廟建敬一亭石刻箴文七通創啟聖祠於仰止祠北二十四年知府張子弘重修己卯知府唐可封以櫺星門逼近城乃展城築石門外砌照牆以雙龍首守之門內開鑿泮池理石爲橋改建大門於左建尊經閣於明倫堂後又移三元峯碑於鴈塔峯上三十三年地震廟堂齋閣門

廡半傾三十四年推官高惟岳重建明倫堂創文會館於廟右三十六年知府倪棟重修廟廡及門垣三十九年知府翁如過去泮池中橋砌廟左右道四十二年推官危純中重建尊經閣知府謝繼科踵而成之

皇清康熙六年分巡學道馬逢臯捐俸重修殿廡齋衙等處煥然一新十年颶風折毀分巡海南學道王廷伊等捐修甫幸垂成至十一年七月二十三日颶風盡行倒塌教授朱子虛詳道府議建復郡學啟聖祠原在廟右名宦鄉賢祠原在廟左相沿已久二十五年雷瓊道副使程憲太守佟湘年捐建新祠遷啟聖祠於明倫堂後遷鄉賢祠於右

學田宋慶曆四年郡守宋守之贍學有田咸淳三年帥守梭窗趙侯增給新莊學田元泰定四年安撫使張珣請復學田置冊立碑刻田畝四至於其上明洪武三年以學田併入有司議存府州縣舊籍儒戶紆其役專備修繕正德十六年三月汪克章給贍田嘉靖三十五年推官徐邦佐給書院後田塘并午籬潭橋田二處內雷虎都潭橋田七坵今廢四十二年同知楊子充給深潭邁邁田共七坵今廢隆慶元年副使陳復升給西黎等處田一坐落瓊山縣土名

午籬田七丁該下苗一頃四十三畝四分該租銀八錢內熟三丁租銀三錢五分荒四丁租銀四錢五分 一坐落瓊山縣土名尼姑田二坵該下苗一十三畝二分八釐一毫該租銀四

錢

一坐落郡城東門內九賢祠後菜園田一塊該下苗一畝該租銀五錢兵丁占踞租銀

無納

一坐落郡城內學後塘一塊該塘苗一畝五分一釐六毫七絲五忽該租銀一兩二

錢一分三釐四毫兵丁居住租銀無納

一坐落郡城內學宮左右并後地基一塊該地苗

八畝五分四釐七毫一絲五忽該租銀六兩八錢三分七釐八毫兵丁居住租銀無納 一

坐落郡城內土名北關菜田一塊該下苗四畝六分四釐該租銀二兩三錢二分 一坐落

臨高縣土名武大羣打南定等田一十四丁該中下苗二頃五十五畝一分六釐六毫該租銀

一兩五錢六分二釐

一坐落澄邁縣石樓春坊羅贊等田五十丁零半該中苗四頃四十

畝三分九毫八絲該租銀一十九兩一錢八分內三十二丁半舊租銀一十一兩九錢八分

皇清康熙十一年教授朱子虛開墾一十八丁租銀七兩二錢

以上田地塘共七十一丁半二

坵四塊共苗八頃六十七畝八分六釐零八絲額租銀三十二兩八錢一分三釐二毫內現熟

租銀二十三兩八錢二分五釐三毫本學徵收解道賑給貧生尙有荒租銀八兩九錢八分七釐九毫無納

外所社學清瀾一

水會社學明萬曆二十八年軍門戴耀平黎馬屎立水會城公署三十

一年撫黎通判吳倬創建

文廟兩廡明倫堂設社師訓黎童置學田贍之崇禎間以生員鄭飛雄主學後推吳鉉宰今廢

衛學應襲書館明弘治初副使陳英立於衛治之東設教讀一人專訓武弁子弟

瓊山縣儒學宋置在海口浦元至正中元帥寶德資海牙重修明洪武四年知縣李思迪遷於郡東北東坡書院九年知縣陳槩遷於南郊教諭趙謙重修於巷口立石坊扁曰道義之衢學西築考古臺永樂二年知縣歐陽旭復大修之宣德八年繼修廊廡正統十二年同知楊啟加修市軍民田地築堤以廣其路成化初副使唐彬興修堂齋未就七年副使涂裴繼修完更創饌堂號舍弘治十一年副使陸淵遷於府學之西門池官舍畢備正德初增立號房二十間嘉靖三十四年太守張子弘推官徐邦佐以知縣吳時昭請創

文廟於明倫堂西儀門兩廡櫺星門啟聖祠俱備又以教諭陳湯敬之請建敬一箴亭於明倫堂及號舍二十間隆慶庚午副使陳復升開建東西儀門萬曆元年知縣文以進鑒泮池於櫺星門內癸巳教諭梁尙通程士章何其明以殿堂錯居非制請分巡道胡桂芳遷殿於明倫堂舊址改建明倫堂於殿後泮池櫺星門一時更新乙巳地震積歲颶風廟堂盡圯署縣通判吳捐俸修建四十三年巡按王以寧允訓導陳汝言請建啟聖名宦鄉賢考古四祠修門池垣齋

皇清康熙六年學道馬逢臯捐俸重建十一年閏七月二十三日颶風傾壞本年知縣劉源清教諭余穀會集諸生設法捐修十四年知縣茹鉉教諭余穀請於巡環道僉事范養民同修至十七十八年連遭颶風又復傾圯二十三年雷瓊道副使程憲郡守佟湘年等捐資重修 城南社學在小南門外洗氏夫人廟左 海口所社學在所城東社學舊址

皇清康熙十八年水師副將王始其事募道府縣及各紳衿商民共捐資邑令茹鉉經營之有石碑記計大門三間上位魁星堂講三間中位梓潼帝君大門外鑿東西月池植以芙蓉 珠崖鄉校在郡南十九里上那邕都今廢 惠通鄉校在縣東四十里符離村今廢 城東學

在東門外南濠街

城南學在大南門外沙井南劉志作土城明末兵民雜居

皇清康熙七年貢生生員張履吉陳九德等呈學詳府鎮勘驗復舊址見構書舍訓讀

城西學

在四脾樓西街

城北學在海口南門外

南關精舍在郡城南道義之衢西明弘治末

鄉士人吳效率建有記

石門義學在瓊山大攝都明成化間貢生吳旦率建置田爲供學

之費

敦仁義學在縣西給事許子偉率建後一間林有鵬建以學行郡廩生馮生虞爲師

東坡書院在府城北以東坡昌化安置時嘗寓此有雙泉遺跡後北歸鄉人思之因建肖像以祀之中外有錦衣堂洞酌臨清濯纓等亭元設山長藉儒生爲藏修之地有瞻學田租七十石翰林趙孟頫書扁明天順間遷建小西門外街成化四年知府蔡浩復遷於府治東十二年知府蔣琪重修亦呼東坡祠

桐墩書院在縣東五里明正統間貢生陳文徽建

同文書

院在郡治西明成化九年副使涂棐創建今爲叅將府

奇甸書院在郡治西北隅丘文莊

建今爲景賢祠

西洲書院在郡城東一里許明正德間主事唐胄建今廢

崇文書院

在郡治東舊城隍廟基明嘉靖三十二年副使陳茂義建祠督府蔡經尋改爲書院後圯萬曆

四十四年造軍器局於址之左 石湖書院在博崖都西湖上明嘉靖間參政鄭廷鵠建

粟泉書院在金粟泉上明萬曆乙卯年郡守謝繼科創書舍十間講堂一座買胡大勳田一莊價銀三十兩撥許大沒官田一莊侯可贊田三坵爲諸生肄業會課之資

學田馬坡那賓田一坵稅三畝五分九釐七毫五絲租銀一錢五分明嘉靖十三年訓導符山李一鸞置久廢 書院後菜田一十三坵 塘一口共稅五畝六分租銀二兩八錢明嘉

靖三十五年推官徐邦佐知縣吳時昭給遞年解納學道賑給貧生 烈倉離等田共一十

四坵除納銀差外租銀三兩明嘉靖三十六年置久廢 烈樓大來都田四坵一丁稅二十

畝四釐每年租銀一兩明嘉靖三十六年置今存九錢遞年解納學道賑給貧生 平坡市

田一所先被張一元侵沒明嘉靖三十六年本縣查出歸學租銀十兩後減作五兩久廢

坐落澄邁西黎羅贊等田四丁半稅三十六畝六分四毫一絲六忽一纖每年租銀一兩五錢

明隆慶元年副使陳復升給遞年解納學道賑給貧生

皇清康熙二十四年六月颶風霪雨水冲埋陷丈勘苗米該二十畝三分二釐租銀八錢三分二釐

坡寨田六丁稅五十三畝每年租銀三兩明萬曆四十三年陳門王氏輸久廢

坐落臨高

縣南定大羣大田一十丁稅一頃六十六畝四分五釐四毫四絲一忽七微租銀一兩二錢六

分遞年解納學道賑給貧生

南立田二丁半稅三十一畝八釐八毫七絲五忽租銀一兩

二錢遞年解納學道賑給貧生

南昌田一丁稅二十畝九釐一毫九絲六忽六微租銀三

錢係新墾

榕木田二十四丁稅三頃四十六畝四分九釐八毫三絲九忽九微二纖租銀

四兩八錢四分久廢按縣志榕木田原三十四丁畝稅明崇禎十三年以前有生員朱日耀承

管案牘可稽至十二年因按院李臨瓊有府學貢生張其美告乞承養老後朱象源只承管二

十四丁值黎岐猖獗田並荒廢無人承管其美養男子善遂乘變而盜賣於王鴻烈至

皇清康熙二十年教諭盧啟運訓導黎暉吉奉部文查墾學田乃著朱象源親往勘查始知張子善

與王儀才王鴻烈盜賣實矣事出不平瓊山縣通學生員聯名公呈道府訊審斷復原田三十

四丁經詳提學陳子有案承管生員朱象源等經告另立學椿在定安縣南閭一都四甲內開

墾尚未成效

南立田七丁半稅九十三畝二分六釐六毫二絲五忽租銀三兩六錢久廢

外州縣

澄邁縣儒學宋立在縣之東咸淳乙丑將領李才卿重修元皇慶間知縣牛某恢基重建明洪武三年知縣劉時敏創建殿廡櫺星戟門明倫堂東西齋永樂間知縣孫秉彝重建饌堂神庫廚房訓導謝秉初築垣正統八年知縣黎獻重建

文廟景泰元年縣丞魏春重建明倫堂兩齋天順間知縣余常重建兩廡櫺星戟門主簿伍細佐重建饌堂號房成化十一年副使涂棐以學址太高酌取官銀三百餘兩命縣丞陸祐改建未幾知縣周泰至創建殿廡明倫堂戟門射圃以石建櫺星門增修祭器弘治癸丑副使陳英以新址不利科目措銀一百五十兩命知縣吳濟復遷舊址未就至辛酉遷今地改置堂殿齋廡正德二年知縣盧暉重建號房等嘉靖三年知縣潘仕卿教諭張汝秀等改置

文廟兩廡戟門丙午知縣秦志道易民居購地廣闢殿堂嘉靖三十二年市學東地移建學門隆慶戊辰改建明倫堂於殿後萬曆十年知縣俞效龍以學門狹隘開建三間重修殿廡齋祠十七年己丑豎石欄杆於照壁之兩旁辛丑修建兩廡戟門石砌泮池左右街乙巳地震傾圯殆

盡四十年知縣曾拱璧重修

皇清順治十年颶風大作廟傾塌知縣王學典等捐募重修大殿明倫堂十四年繼修廟廡門祠未

完康熙十年知縣丁斗柄捐修甫就十一年颶風摧折明倫堂爲平地尙俟議復修葺 社

學十九所俱明成化間知縣周泰建久廢 義方塾在那社都會惟唯建 秀峯義學在

倘驛都成化初舉人李金率建 天池書院在東門外明嘉靖丙午知縣秦志道立辛亥知

縣許應龍重修今廢 秀峯書院在倘驛都明成化元年舉人李金建久廢 學田宋寶

祐問主簿紀應炎塞海爲學田咸淳乙丑將領李才卿增置學田元天曆間僉事呂統給田增

贍學糧明嘉靖二年知縣許應龍給新安廢祠田爲學田民苗三畝八分久廢萬曆三十六年

知縣周士昌給那蓬都陳氏田中則苗五畝六毫五絲七忽下則苗一十畝一分五毫每年除

穀二石九斗納糧外該六石四斗入學久已荒廢

皇清康熙二年教諭郭球查出萬曆四十年知縣曾拱璧捐銀一百兩增買王家泰吳聖錫那紅昌

橫等田地共二十丁明末盡荒

皇清順治十八年招佃開墾每年除分佃外該米一百四十五石入學

定安縣儒學元始立附縣在南資都南堅峒天曆二年隨縣遷瓊牙鄉改南建州學附於州之東南一里許明洪武二年復隨州降改爲縣學知縣吳志善創建茅覆粗備永樂三年知縣吳定寶重建殿廡櫺星戟門明倫會館二堂兩齋廚庫泮池宣德三年知縣白尙忠重修六年始塑十哲像正統八年知縣蕭應韶建明倫堂縣丞鍾政建號房天順間知縣張寬重修成化八年知縣勾永昇以副使涂棐命增大殿堂諸制十六年知縣傅霖重修廟學射圃萬曆十六年知縣黎可耘重修明倫堂

皇清康熙七年知縣楊天授重建

聖殿又同訓導楊天培捐俸重建啟聖祠及明倫堂名宦祠舊在學前啟聖祠左日久圯壞康熙二年知縣王昌祠建戟門右二十五年知縣張文豹補葺鄉賢祠舊建改遷與名宦同康熙二十五年補葺 尙友書院在南門內尙書王弘誨建前堂五間後堂三間大門照壁及東西號房各十間內廚各三間在儒學左萬曆癸巳鄉宦王弘誨捐銀三百兩將學射圃地建今圯

東鄉社學在分司東

西鄉社學在縣鋪前

南鄉社學三學俱明成化年間立今俱廢

學地二段自櫺星門外直至南門裏城脚二十五丈九尺上橫自甘家牆抵東胡家地二十丈四尺中橫自甘家牆抵東胡家地二十丈四尺下橫西自甘家地抵胡家地一十七丈二尺
文昌縣儒學宋立附縣治在何恭都之潭步地元至順壬申中隨縣遷北山都建於縣右明洪武三年建八年徙於縣左殿廡齋堂櫺星戟門大門射圃廚庫俱備十五年增建神廚庫宣德二年增廣殿廡十年僉事龔璲重建明倫堂正統七年提學僉事彭琉增建號房成化八年副使涂棻命知縣宋經遷於廟之右而以舊堂爲饌堂兩齋爲號舍十年教諭王琳補造祭器訓導嚴猷立櫺星石門十六年知縣翁輝新祭器十九年通判丘瑞於泮池建亭知縣鄭宏易廊廡以石柱弘治初重修嘉靖九年再修三十三年教諭施模請修殿廡齋舍門屏建號房三十間四十年修櫺星泮池築整門內道路萬曆六年修東廡兩齋七年知縣羅鵬重修十年重建戟門十八年重修東廡櫺星門十九年改修泮池垣門甬道未就次年教諭李過春踵而成之三十三年地震盡圯三十四年重建廡堂齋舍四十五年知縣葉可行教諭馮文燦捐修

皇清順治十六年颶風盡毀學垣訓導梁宸棟募修未就吳廷縉捐俸鳩工未竣康熙七年知縣沈鵬捐俸督修補祭器肅祭儀酌祭品廟祀一新 社學明成化甲午年副使涂棐令各州縣建社學百七十有九文邑立七區徵近學墟市襍稅充社師束修之資今無一存 王陽書院在城北鎮恬山之麓明萬曆乙未知縣賀沚立按縣志因許給諫子偉徧創義學乃與邑紳曾應期林有鵬昆季建學實田後圯于地震有鵬有鳴復造文昌閣崇正樓體仁堂文在茲坊濬滌德池而構橋焉又捐田助祭修理鼎革之後瓦礫榛莽先儒祀於別所

皇清康熙七年邑令沈鵬捐俸倡復賀汪周三令祠附焉

學宮濟貧田在北山都耕佃收粒備

賑貧生輪差在內原價四十兩每價十兩議租一兩每官銀一兩支租銀一兩二錢輪納

書院祭祀修理田四處一在書院前一在分司前一在北山坑一在大潭村 店鋪一座在

縣前共價一百十兩五錢每年收租供春秋二祭并逐時修理輪差在內 書院科舉田在

上瑤村價銀七十兩五錢每年租銀七兩五錢每科積租共二十二兩五錢輪差在內 書

院濟荒田在蔡村價銀三十兩每年租銀二兩八錢輪差在內

會同縣儒學元至元二十八年附縣治立於平定鄉皇慶元年隨縣遷端趙郡明洪武三年署
縣縣丞李霖始立於縣東二十七年知縣熊彥信鼎建殿堂兩齋永樂元年典史徐廷玉重建
堂齋廚庫外門正統七年提學彭琬以狹隘徙建舊址之西十一年典史饒世高鑿泮池添立
會饌堂成化二年知縣李秉縱重修八年知縣陳釗以副使涂棐命改建明倫堂於齋東立射
圃二十年教諭丘定請造祭器二十二年僉事陳英命署縣主簿曹冕改向建正殿兩廡戟門
遷明倫堂于殿後少西建兩齋儀門外門弘治元年典史曾暹置石柱爲櫺星門鑿泮池於門
外十二年知縣陳策重修十七年署縣丞王錫訓導王爵加葺嘉靖七年知縣劉源遷明倫堂
兩齋於舊址之西建啟聖祠敬一亭二十二年知縣曾廷梅重修三十年知縣陳儒建講堂萬
曆七年颶風毀壞十五年知縣徐應麟以巡道易可久命遷于分司市地易基創廟廡堂齋十
八年提學孫秉陽命知縣王密建社學五處成化間立應台書院在舊學地址萬曆
癸丑知縣葉中聲建傾廢多年

皇清因故址建屋一間

學田明萬曆三十三年知縣盧章送沒官銀五十兩教諭池起鳳捐俸

二十兩共置溝尾塔邊墩後龍俊洋塘心荻魯田七坵租銀五兩八錢五分

皇清順治九年報荒十二年教諭鄭熙運墾復原額糧租遞年解道賑給貧生 萬曆三十四年

知縣虞脫穎給沒官田背峒三角二坵租銀三錢五分

皇清順治九年報荒康熙六年訓導梁英裘招佃墾復租銀解道賑給貧生 崇禎年間生員王

象陽捐木櫬等田四十五畝七分二釐租銀三兩二錢

皇清順治九年報荒康熙六年訓導梁英裘招佃墾復二十四畝五分四釐四毫七絲照額折熟租

銀解道賑給貧生尙荒二十一畝一分七釐五毫三絲無徵 順治十年生員馮如京捐嶺

仔加芮田十四丁充本學饌膳經教諭鄭熙運詳縣申道批明在案除納糧五兩六錢外該租

銀一十八兩稅載葉盧池戶

樂會縣儒學宋附縣治于會同縣之泗村都元至元二十四年邑治徙於太平都之調懶三十

一年徙萬泉渡北再遷渡南學治無稽延祐三年海北廉訪司照磨范樞始建廟學於邑治之

東天曆元年教諭蔡慶存請于縣尹郭德賢重葺至正四年主簿莊益考九年知縣白璧屢嘗